

陽歷付租云。

租界擬開放煙禁

中華民國拒毒會前據報告謂公共租界當局有開放煙禁之計畫。當經函請工部局表示態度。旋接該局復函否認其事。後又風聞工部局已正式函徵上海總商會對於開放煙禁之同意。以便實行。該會當又函請上海總商會嚴詞拒絕。昨日該會接總商會復函謂已去函表示反對。茲錄原函如下。『前准大函以據報告租界土商向工部局請求開放煙禁。囑為據理力爭等因。語重心長。至深感佩。查此事前接工部局來函。當經敝會常務會議協商。以鴉片公賣流弊所至。於社會經濟。地方治安。均有妨害。業已去函表示反對。相應具函奉復。祈為察照是荷。』

雜訊

林風眠任藝術院院長

大學院長蔡子民氏。主張科學藝術調和。以創造新文化。設中央研究院。以採科學。設藝術教育委員會。以計

劃推行全國藝術教育。最近又於西湖創辦國立藝術院。已誌京滬各報。茲悉該院籌備即竣。開始招生。並由大學院長委任林風眠為該院院長。林氏留歐多年。素主東西藝術調和。以成世界新藝術。其所作出品。於歐洲各大展覽會。西人顯稱之曰「林風眠派」。其創造之精神。於此可見。未回國前。即被任為國立藝術專門學校校長。去年於北京籌開藝術大會。參觀者數十萬人。社會上盛稱此會為中國之「沙龍」。此次南來。係應蔡子民氏之召。籌備中央藝術大會。現復被任為藝術院長。該院設立於西湖。風景天然。為東亞之冠。將來大學院並擬劃該處為藝術區。期望林氏本其創造之精神。努力完成此最高藝術學府。倡興東亞藝術。為人類文化上作有力之貢獻云。

鍾榮光任僑務局長

鍾局長榮光。廣東中山縣人。年少登第。旋棄去入嶺南學校修業。同時加入興學會工作。民國元二年。任廣東教育司長。袁氏叛國。棄職渡美。入哥林比亞大學研究教

育行政。回國後。歷任嶺南大學副監督及監督等職。去年該大學收回華人自辦。復被舉為校長。當國民政府在粵時。設立教育行政委員會。特任氏為委員。去歲國民政府遷寧。隨同北來。行使職權。大學院成立。受聘為華僑教育委員會主任。隨由國府議決。簡任今職。氏曾周歷朝鮮。日本。安南。暹羅。緬甸。印度。歐洲各國。北美。中美。南美各國。西印度羣島及檀香山。菲律賓。英荷屬南洋羣島。足跡幾遍全球。素得各地同胞信仰。今國府令長僑務。海內外咸慶得人。

杭州拆城建築圖書館

鳳山門至清泰門一帶先行拆除

杭州市長陳杞懷。日前呈請省政府將市區現存東南北三面城垣拆除。昨經省政府第七十四次會議議決。鳳山門至清泰門一帶城垣先行拆除。其拆卸磚石。應酌留一部分作為建築浙江圖書館之用云。

三中大重申禁止古話文令

國立第三中山大學。令杭州商務印書館。中華書局。

世界書局。一律停止發售古話文云。案查本大學區內各級小學。自十六年第二學期（即十七年二月）起。絕對不得再用古話文（即文言文）的教科書或教材。曾經本大學通函各市政府。通令各縣政府轉飭各級小學一體遵照在案。現查各該局等仍舊有大批的完全古話文的或古話文今語文混雜的小學教科書發售。實屬藐視本大學禁令。除通函各市政府通令各縣政府嚴行禁止外。合亟令仰該局等將此項完全古話文或古話文今語文混雜的小學教科書。尅日一律停止發售。倘再有違令出售情事。應即將該項書籍抄沒銷燬。此令。

世界大事

朝鮮華僑慘案真相

朝鮮黨部向海外部駐滬辦事報告

中央海外部駐滬辦事處昨接朝鮮十三道黨部一月念四日報告。對於「一・二・七」慘案始末。說得很詳。